



REPUBLIKA E SHQIPËRISË
BASHKIA E QYTETIT
KORÇË

KONTRATË SIPËRMARRJE

Lidhur sot, më datë 18/05/2017, midis :

AUTORITETI KONTRAKTOR:

Bashkia Korçë, Rruga "28 Nentori", perfaqesuar nga Kryetari **Z.Sotiraq Filo**, i quajtur me poshite Investitori.

Dhe

KONTRAKTUESI:

Bashkimi i shoqerive "**ALMO KONSTRUKSION**"sh.p.k NIPT J9195001P dhe "**"Uleza Ndertimi**"sh.p.k, NIPT J67902928O, e perfaqesuar me prokure te posacime Nr.2092 Rep dhe Nr.797 Kol date 31.03.2017 nga shoqeria "**ALMO KONSTRUKSION**"sh.p.k, adresa: Tirane Nacionale Zall-Mner i ri.e cila perfaqeshet nga administratori **Z.Alfons Bitri**, i mëposhtë quajtur "Sipërmarrësi";

Neni 1

Baza ligjore

1. Kontrata do të qeveriset dhe interpretohet sipas ligjeve te Republikes se Shqiperise.
2. Kontrata hartohet ne baze te dispozitave ligjore te parashikuara nga nenet 659 dhe ne yazhdim te Kodit Civil, ligjit 9643 date 20.11.2006 " Per prokurimin publik "i ndryshuar dhe VKM Nr 914 dt 29.12.2014 "Per miratimin e rregullave te prokurimit publik",i ndryshuar.
3. Dokumentet e tenderit jane pjesë perberëse e kesaj kontrate.





Neni 2 SEK Objekti i kontratës

Objekti i kësaj kontrate është sipërmarrja me objekt: "Reabilitimi urban, ndricim, gjelberim, ne zona te ndryshme ne qytet"

Neni 3

Vlera e Kontratës

Kontrata lidhet me një vlerë totale : 84.574.672 (tetedhjete e kater milion e pesëqind e shtatedhjete e kater mijë e gjashtëqind e shtatedhjete e dy) lek

Neni 4

Afati i Kontratës

Afati maksimal i përfundimit të punimeve është 3 muaj nga data e lidhjes së kontratës.

Neni 5

Gjuha e Kontratës.

Gjuha në të cilën përpilohet kontrata është Gjuha Shqipe.

Neni 6

Pëkuftizime

6.1 "Preventiv" janë vëllimet e punës të plotësuara me çmime, pjesë përbërëse e ofertës.

6.2 "Skica (vizatimet)" përfshijnë projektet dhe të dhëna të tjera të paraqitura ose të miratuara nga Autoriteti Kontraktor për përbushjen e Kontratës.

6.3 "Mbikqyrësi i punimeve" është personi kompetent i emëruar nga Investitori dhe që i është njoftuar Sipërmarrësit, i cili është përgjegjës për mbikqyrjen e realizimit të punimeve dhe administrimin e kontratës.

6.4 "Drejtë Teknik i Punimeve" në objekt është personi i aprovuar nga Autoriteti Kontraktor, përsaqësues i Sipërmarrësit, përgjegjës për kryerjen dhe përfundimin e punimeve, për të cilin Sipërmarrësi është i detyruar t'i konfirmojë Investitorit emrin e tij.

6.5 "Specifikimet" janë karakteristikat e punimeve të përfshira në projektet e zbatimit në dokumentat standarte të tenderit dhe çdo modifikim ose shtesë e bërë dhe e miratuar me shkrim nga Investitori.

6.6 "Afati i realizimit te punimeve" do të thotë data që Punët duhet të perfundojnë siç është shprehur në Grafikun për realizimin Punimeve , e vertetuar nga autoriteti kontraktor.

6.7 "Cmim kontrate" do të thotë çmimi që i paguhet kontraktorit sipas kontratës për zbatimin e plotë dhe të përpiktë të detyrimeve të tij kontaktore.

6.8 "Realizimi i punimeve" do të thotë data e vërtetuar nga Invesitor i se Punët janë mbaruar.

6.9 "Defekt" do të thotë çdo pjesë e Punimeve e paperfunduar në përputhje me kontratën.

6.10 "Pajisje" do të thotë makineritë dhe veglat e kontraktorit të sjella përkohësisht në kantier për realizimin e Ndertimeve.

6.11 "Materiale" do të thotë të gjitha furnizimet, duke përfshirë ato të konsumit, të përdorura nga kontraktori për kryerjen e punimeve.

6.12 "Objekt i kontratës" do të thotë të gjitha Punët që sipermaresi do të sigurojë sipas kushteve të kontratës.

6.13 "Pale(t)" do të thotë nënshkruesit e kontratës.

6.14 "Autoritet Kontraktor" do të thotë Autoriteti Kontraktor që eshte pjesë e kesaj kontrate dhe që kontraktori punët objekt i kësaj kontrate. Ky term kudo qe përdoret ka kuptim të njëjtë me ate te perkufizuar ne ligj.

6.15 "Kantier" do tē thotē vendi fizik i Punimeve.

6.16 "Nënkontraktues" do tē thotē çdo person fizik ose ligjor ose kombinim i mësipërm, që furnizon Punët, materialet ose pajisjet pér ose nē emër tē sipermaresit.

6.17 "Kontraktor" do tē thotē personi fizik ose juridik që është palë e kësaj kontrate dhe sipas ~~SHK~~ alspozitave tē kësaj kontrate siguron Punimet.

6.18 "Standarte Teknikë" do tē thotë specifikimet e aprovuara nga një trup i posaçëm standartizimi pér zbatimin e vazhdueshëm ose tē përsëritur. Standarte tē tillë përdoren si rregulla, rregullore ose përkufizim tē karakteristikave pér tē siguruar se materialet dhe shërbimet e procesuara i përgjigjen qëllimit.

6.19 "Ngritja e kantierit" do tē thotë punimet e ndertimit tē përkohshme, tē ndërtuara e instaluara, që janë tē nevojshme pér zbatimin e punimeve tē ndërtimit.

6.20 "Punime" (*te cilat do te kryhen ne masen 37 % nga shoqeria "ALMO KONSTRUKSION" sh.p.k dhe 63 % nga shoqeria "ULEZA NDERTIMI" sh.p.k, kjo sipas Akt mareveshjes te bashkepunimit Nr 2091 Rep Nr 796 Kol , date 31.03.2017*), do tē thotë ajo që Autoriteti Kontraktor i kërkon nga kontraktori tē gërmojë, ndërtojë, riparojë, rinovojë ose instalojë siç parashikohet nē dokumentat e tenderit duke përfshirë shërbimet nē lidhje me to, gjithashtu tē përkusihuara nē dokumentat e tenderit.

Neni 7

Komunikimi

7.1 Komunikimi midis palëve duhet tē bëhet vetëm me shkrim nē adresat e deklaruara nga palët, nē rast se ka ndryshim tē adresës palët janë tē detyruara tē informojnë pér çdo ndryshim. Njostimi bëhet efektiv vetëm pasi tē dorëzohet.

Neni 8

Prona Intelektuale

8.1. Me përjashtim tē rasteve kur parashikohet ndryshe nē kontratë, tē gjitha tē drejtat e pronës intelektuale tē siguruara nga Sipërmarrësi gjatë zbatimit tē kontratës do t'i përkasin Investitorit, i cili mund t'i përdorë ato sipas gjykimit tē tij.

8.2. Me përjashtim tē rasteve kur palët bien dakort ndryshe, Sipërmarrësi, pas përfundimit tē kontratës, duhet t'i dorëzojë Investitorit tē gjitha raportet dhe tē dhënat si hartat, diagramët, skicimet, specifikimet, planet, statistikat, llogaritjet dhe regjistrat mbështetës ose materialet e fituara, mbledhura ose pregatitura nga Sipërmarrësi gjatë zbatimit tē kontratës. Sipërmarrësi mund tē mbajë kopje tē këtyre dokumentave dhe tē dhënave, por nuk duhet t'i përdorë pér qëllime që s'kanë lidhje me kontratën pa leje paraprake me shkrim nga Invesitorit.

8.3. Sipërmarrësi duhet tē garanlojë Investitorin zhveshjen nga përgjegjësia pér shkelje tē tē drejtave tē pronës intelektuale që mund tē dalin nga përdorimi i materialeve, skicave ose çdo prone tjetër sipas kontratës.

8.4. Në rast se ngrihrt ndonjë pretendim ose padi kundër Investitorit nē lidhje me ndonjë shkelje tē pronës intelektuale tē shkaktuar nga zbatimi i kontratës ose nga përdorimi i materialeve, skicave ose çdo prone tjetër tē mbrojtur tē furnizuar sipas kontratës, Sipërmarrësi duhet t'i japë Investitorit tē gjitha provat dhe informacionin nē posedim tē tij që kanë tē bëjnë me këtë padi apo pretendim.

8.5 Ne perfundim të punimeve sipermarresi duhet ti dorezoje investitorit ne formatin DWG të gjitha puniet e ndertimit që ka kryer (as built)


Neni 9

Mbikqyrësi i Punimeve

9.1. Mbikqyrësi i punimeve do tē jetë personi i perzgjedhur nga Titullari i Autoritetit Kontraktor me ane te nje kontrate te vecante.

9.2. Detyrat e mbikqyrësve tē punimeve burojnë nga aktet ligjore dhe n/ligjore nē fuqi dhe detajohen nē kontratën e shërbimit që do tē lidhet me këta tē fundit.

9.3. Në rast se mbikqyrësi do tē ndryshohet, Investitori njofton menjëherë Sipërmarrësin.





10

Neni 10 Personell i Sipermarrësit.

10.1. Sipermarrësi do të punësojë vetëm personelin e deklaruar në ofertë për kryerjen e funksioneve të parashikuara në programin e miratuar nga Mbikqyrësi i Punimeve. Mbikqyrësi i Punimeve do t'i propozojë Investitorit për të zëvendësuar personelin kryesor, vetëm nëqoftëse kualifikimet dhe aftësitet e tyre të nevojshme janë baraz ose më të larta se ato të personelit të përcaktuar në ofertën e Sipermarrësit.

10.2. Në qoftë se Mbikqyrësi i Punimeve i kërkon Sipermarrësit që të largojë një person, i cili është anëtar i personelit ose i fuqisë punëtore të Sipermarrësit, duke theksuar arsyet. Sipermarrësi do të marrë masa për të siguruar që personi në fjalë të largohet nga kantieri i punimeve brenda 72 orëve dhe të mos ketë më lidhje me punën e përfshirë në kontratë.

10.3. Drejtor Teknik i Punimeve do te jetë :**Ing. Edmond Bitri**

Detyrat e Drejtorit Teknik të Punimeve janë si më poshtë:

- Zbatimin e objektit konform projektit dhe kushteve teknike të zbatimit;
- Dokumentacionin teknik që është i detyrueshëm të mbahet në objekt;
- Korrespondencën zyrtare me Mbikqyrësin e Punimeve;
- Ecurinë e zbatimit të punimeve konform plan organizimit dhe grafikut të punimeve;
- Është i pranishëm në të gjitha fazat e realizimit të objektit: zbatimin e punimeve, dorëzimin dhe kolaudimin e objektit.

10.4. Në rast se ndryshohet Drejtori Teknik, Sipermarrësi duhet detyrimisht të lajmërojë Mbikqyrësin e Punimeve i cili ve në dijeni Investitorin.

Neni 11

Detyrimet e Sipermarrësit

11.1. Sipermarrësi do të kryejë punimet në përputhje me projektet e ndryshimet e miratuar, dhënë nga Investitori dhe në përputhje me K.T. të zbatimit të R.SH. – së

11.2. Drejtori Teknik i Punimeve në kantier, është i detyruar të mbajë ditarin e objektit, ku do të përfshihen të gjitha punimet e kryera dhe urdhërat e dhëna për zbatimin e projektit. Ky ditar në çdo kohë do t'i vihet në dispozicion Mbikqyrësit të Punimeve, grupit të Kolauditimit dhe Investitorit.

11.3. Sipermarrësi do të kryejë punime me nënsipermarrje pasi të ketë marrë miratimin e Investitorit. Marrëdhëniet e n/sipermarrjes do të rregullohen nëpërmjet një marrëveshjeje, e cila përcakton qartë nënsipermarrjen dhe në çdo rast është e detyruar të respektojë të gjitha detyrimet e kontratës së sipermarrjes. Përgjegjës ndaj Investitorit mbetet gjithmonë Sipermarrësi kryesor i punimeve.

11.4. Sipermarrësi ka për detyrë të ruaj projektin dhe të mos e përdorë atë në objekte të tjera jashtë këtij tenderi. Gjithashtu, të mos japë asnje informacion (botim artikujsh, apo fotografish) mbi ecurinë e punimeve pa lejen e Investitorit.

11.5. Sipermarrësi është i detyruar të marri të gjitha masat për kufizimin e ndotjes së Abjentit, duke përdorur të gjitha mjetet në dispozicion.

11.6. Sipermarrësi është i detyruar të përdori të gjitha mjetet e sinjalistikës rrugore për punime në rrugë me qëllim disiplinimin e trafikut të mjeteve dhe kalimtarëve në objektin e ndërtimit.

11.7. Sipermarrësi është i detyruar të pajisë punonjësit e tij në objekt me uniforma, në të cilat të janë shprehur shenjat dalluese të shoqërisë Sipermarrëse.

11.8. Në rast të mosrespektimit të dispozitiveve të parashikuara në pikat 11.5.-11.7 të mësipërme Mbikqyrësi i punimeve i bën njostim Sipermarrësit për respektimin e detyrimeve të shprehura më lart. Në rast se Sipermarrësi nuk merr masa brenda 10 ditëve nga marrja e njostimit atëherë Mbikqyrësi i punimeve i propozon Investitorit aplikimin e penaliteteve në masën e caktuar në legjislacionin Shqiptar ne fuqi, penalitetë të cilat do të mbahen nga situacioni pasardhës që do të paraqiten për likuidim.



Neni 12

Testimet dhe Inspektimet

12.1. Sipërmarrësi është i detyruar që me shpenzimet e veta të kryejë provat laboratorike të materialeve që do të përdoren në objekt, si dhe provat e kampioneve të marra nga objekti në përputhje me udhëzimet e dhëna nga Mbikqyrësi i Punimeve.

12.2. Sipërmarrësi duhet të bëjë të gjitha testet dhe inspektimet e kërkua nga dispozitat e kontratës kosto e këtyre testimeve dhe inspektimeve duhet të financohet tërësisht nga Sipërmarrësi, brenda kushteve të çmimit të kontratës.

12.3. Investitori gjithashtu duhet t'i kërkojë Sipërmarrësit të bëjë testime dhe inspektim shtesë të pa parashikuara në konratë, por të gjykuara të nevojshme për të vërisfikuar se ndërtimet janë konform specifikimeve dhe kushteve të kontratës.

12.4. Investitori do të refuzojë çdo punim ndërtimi që nuk e kalon testimin dhe/ose inspektimin ose nuk është konform specifikimeve teknike dhe kushteve të kërkua në zbatimin e kontratës.

12.5. As egzekutimi i testeve, as inspektimi i punimeve të ndërtimit nuk do ta lirojë Sipërmarrësin nga çdo garanci ose detyrim tjetër sipas kontratës.

Neni 13

Ngritja e Kantierit

13.1. Sipërmarrësi do të mbajë përgjegjësi për skicimin e Ngritjes së Kantierit.

13.2. Sipërmarrësi duhet të paraqesë të gjitha planet për Ngritjen e Kantierit tek Mbikqyrësi i Punimeve për shqyrtimin dhe miratimin e tij.

Neni 14

Zbulimet

14.1. Çdo gjë me interes historik ose me vlerë të konsiderueshme e zbuluar papritur në kantier do të deklarohen per te vepruar konform legjislacionit ne fuqi. Sipërmarrësi duhet të njoftojë Mbikqyrësin e Punimeve për ndonjë zbulim të tillë dhe të ndjekë udhëzimet e mbikqyresit te punimeve për procedurën e e administrimit të objekteve.

Neni 15

Sigurimi Teknik dhe mjedisor

15.1. Sipërmarrësi është përgjegjës për sigurine e te gjitha aktivitetave ne kantier duke zbatuar masat korriguese dhe irregullat e sigurimit teknik për të gjithë personelin sikurse përaktohet në legjislacionin Shqiptar.

15.2. Kontratori do të sigurojë kantierin në mënyrë të tillë që të minimizojë dëmtimet e mjedisit. Për shembull, ai duhet të kursejë energjinë, ujin dhe burime të tjera, të reduktojë humbjen dhe të minimizojë përdorimin e substancave varféruese të ozonit, çlirimin e gazrave, Lëndët e përbëra organike te rezikshme dhe substanca të tjera, që dëmtojnë shëndetin dhe mjedisin.

Neni 16

Rreziqet e Sipërmarrësit dhe Forca Madhore

16.1. Sipërmarrësi ka për detyrë të përballojë të gjitha shpenzimet që mund të dalin nga data e fillimit të punimeve deri në fund të periudhës së garancisë për difektet që mund të shfaqen në objekt sipas të dhënavë të kontratës. Sipërmarrësi deri në përfundim të punimeve do të përballojë rreziqet për shkak të dëmtimeve të personelit, vdekjes dhe humbjes (ose dëmtimit të pasurisë (përfshirë pa kufizime punimet, materialet dhe pajisjet, kantierin e ndërtimit si dhe objektin e ndërtimit).



16.2. Sipërmarrësi nuk do të mbajë përgjegjësi për humbjen e sigurimit të kontratës jo për fajin e tij, dëmëve të Jikuiduara ose ndërprerjen për mosplotësim nëse dhe deri në masën që vonesa në zbatim ose ndonjë dështim tjetër në zbatimin e detyriimeve të tij sipas kontratës vijnë si rezultat i ndodhjes së Forcave Vlerore.

16.3. Për qëllimet e këtij nenit “Forçë Madhore” do të thotë një ngjarje jashtë kontrollit të Sipërmarrësit dhe e paparashikuueshme. Ngjarje të tilla mund të përfshijnë, por nuk janë të limituara nga, veprimet e Investorit qoftë në kapacitetin e tij sovran ose kontraktual, luftha ose revolucionet, përbrytja, tërmeti, epidemitë, shtrëngime të karantinës dhe embargo tranzitë.

16.4. Nëse ndodh ndonjë situatë e Forcës Madhore, Sipërmarrësi duhet të njoftojë menjëherë Investorin. Me përashtim kur Investor është jep direktiva të ndryshme, Sipërmarrësi duhet të vazhdojë të zbatojë detyrimet e tij sipas kontratës në masën praktikisht të arsyeshme dhe duhet të kërkojë të gjitha mjetet e arsyeshme për zbatimin e kontratës deri që nuk pengohet nga Forca Madhore.

Neni 17

Preventivi

17.1. Preventivi do të përfshijë të gjitha zërat e punimeve me çmimet përkatëse të parashikuara në ofertë.

17.2. Preventivi do të përdoret për të llogaritur vlerën e kontratës. Sipërmarrësi paguhet me sasinë e punës së kryer sipas projektit, bazuar për çdo zë pune të preventivit.

17.3. Për zërat e reja, të paparashikuara në Preventiv përvëç dokumentacionit përkatës paraqitet edhe analiza teknike për çdo zë të ri pune.

17.4. Nënzërat e punimeve për të cilat nuk është vënë çmim për njësi në ofertën e paraqitur, do të konsiderohen si të mbuluara nga vlerat e tjera të përfshira në kontratë.

Neni 18

Negociatat dhe Amendamentet

18.1. Palët nuk do të negociojnë ndryshime ose amendamente të asnjë elementi të kontratës që do të ndryshojë mjastueshëm kushtet që kanë përbërë bazën e përzgjedhjes së Sipërmarrësit.

18.2. Asnjë amendament ose variacion tjetër i kontratës nuk do të jetë i vlefshëm pa qenë me shkrim, me datë dhe duke iu referuar shprehimisht kontratës. Çdo shtesë ose ndryshim Amendamenti do të jetë i vlefshëm vetëm në rast se nënshkruhet nga të dyja palët ose nga persona të autorizuar prej tyre.

18.3. Çdo heqje dore nga të drejtat, pushtetet ose ndreqjet që mund të bëhen nga palët sipas kontratës duhet të bëhen me shkrim, në të cilën të specifikohet data dhe të nënshkruhen nga pala ose nga një përsaqësues i autorizuar i palës që bën këtë dorëheqje dhe duhet të specifikojë të drejtën dhe masën në të cilën ajo lëshohet.

Neni 19

Ndryshimi i Porosisë

19.1 Kushtet e kontratës nuk janë subjekt rinegocimi dhe amendimi pas hyrjes në fuqi, bëhet vetëm me përashtim kur lejohet specifisht dhe parashikohet në kushtet e kontratës. Çdo amendament i kontratës duhet të bëhet me shkrim dhe i nënshkruar nga Investorit dhe Sipërmarrësi.

19.2 Ndertime shtesë mund të porositën vetëm në rethana të përcaktuar në LPP dhe me kusht që shtesa e kontratës të mos i kalojë 20% të çmimit original të kontratës.

19.3 Investorit mund që në çdo kohë mund të porositë Sipërmarrësin të bëjë ndryshime brenda qëllimit të përgjithshëm të kontratës në secilën prej e sa më poshtë:

- Korrigjime në skicimin, vizatimin ose spëcifikimet e Ndërtimeve;
- Korrigjime në materiale;
- Korrigjime në sasi.

19.4. Përpara se të kërkojë një ndryshim, Investitori dhe Sipërmarrësi duhet të bien dakort pér çdo rritje ose ulje të çmimit të kontratës dhe/ose ndryshim në skedimin e dorëzimit ose përfundimit që është shkaktuar nga ndryshimi. Porosia e ndryshuar duhet të trupëzojë amendamentet e marrëveshjes. Investitori nuk ka të drejtë të nxjerrë pretendime pér pajtimin me ndryshimin e porositur, pérveç rregullimeve të siguruara në amendamentet e marrëveshjes.

19.5. Ndryshimi i porosisë nuk do të jetë i vlefshëm në se nuk formalizohet sipas kërkesave të Nenit 18 të kësaj kontrate.

19.6. Çdo ndryshim i urdhëruar nga Investitori, do të jetë detyrimisht objekt i një proces-verballi (urdhëri) me shkrim i firmosur nga Investitori. Këto urdhëra do të harten në bazë të një propozimi teknik nga ana e Investitorit dhe në bazë të llogarive përkatëse të bëra nga Sipërmarrësi dhe Mbikqyrësi i Punimeve, mbështetur në çmimin njësi pér çdo zë pune të shprehur në preventiv.

19.7. Çdo ndryshim i cili sjell rritjen e vlerës së kontratës duhet të dokumentohet gjatë zbatimit të punimeve dhe pasi pregetitet dokumentacioni përkatës si preventivi shtesë, vizatime etj., i propozohet zyrtarisht entit që delegon fondin që të miratojë shtesën e vlerës së plotë si dhe pér të gjetur burimet e financimit.

19.8. Nëse volumet përfundimtare të punimeve të kryera, ndryshojnë nga volumet në Preventiv dhe vlera e tyre është brenda preventivit të objektit dhe fondit rezervë të parashikuar në preventiv, Investitori ngarkon Mbikqyrësin pér të verifikuar volumet dhe pér të dokumentuar ndryshimet e mundëshme dhe mandej i miraton ato.

Neni 20

Programi

20.1. Brenda 5 ditëve nga nënshkrimi i kontratës Sipërmarrësi do t'i paraqesë pér miratim Mbikqyrësit të Punimeve një program, në të cilin tregohet mënyra e kryerjes së punimeve dhe grafiku kohor. Sipërmarrësi do të realizojë programin sipas grafikut të parashikuar. Sipërmarrësi ka të drejtë t'i propozojë Mbikqyrësit të Punimeve ndryshime në grafikun e punimeve, duke i motivuar ato.

20.2. Në rast se mund ose lind nevoja e dorëzimit të pjesshëm të punimeve këto parashikohen në grafikun e punimeve ose në ndryshimet e propozuara dhe të miratuara nga Investitori.

Neni 21

Korrigimi i Difekteve

21.1. Sa herë që gjatë periudhës së zhvillimit të punimeve, nga Mbikqyrësi konstatohet një difekt Sipërmarrësi është i detyruar ta korrigojë atë brenda afati që i lihet me shkrim, por jo më vonë se 15 ditë.

21.2. Gjatë periudhës së garancisë së punimeve Mbikqyrësi i punimeve do të njoftojë Sipërmarrësin lidhur me çdo difekt para mbarimit të kësaj periudhe. Për eliminimin e difekteve lihet një afat i cili saktësitet sipas çdo rasti konkret, por jo më shumë se 15 ditë.

21.3. Periudha e garancisë pér difektet është afati 24 muaj. Me përfundimin e kësaj periudhe Sipërmarrësi paraqet kërkesën e kthimit të vlerës së garancisë së punimeve e cila është mbajtur nga Investitori. Ky i fundit, brenda 10 ditëve organizon vizitën në terren ku kontrollohen realizimet e detyrave të lëna nga korrigimi i difekteve të lindura gjatë periudhës së garancisë së punimeve. Nëse janë kryer gjithë korrigimet e difekteve atëherë hartohet akti përkatës i marrjes në dorëzim të objektit dhe që shënon përfundimin e detyrimeve reciproke të kontratës së sipërmarrjes dhe asaj të mbikqyrjes së punimeve.

Neni 22

Difektet e Pakorrigjuara

22.1. Në qoftë se Sipërmarrësi nuk korrígjon difektet e konstatuara në periudhën e garancisë së difekteve, brenda afatit të përcaktuar Investitori do të vlerësojë koston e korrigimit të difektit, dhe Sipërmarrësi do të paguajë këtë shumë, së bashku me një gjobë të veçantë e cila do të jetë 0.04% të vlerës së kontraktuar pér çdo ditë vonësë. Investitori do të mbajë këtë shumë duke e zbritur nga garancia e punimeve e cila është mbajtur progresivisht në situacionë.



22.2. Nëse me përfundimin e periudhës së garancisë Sipërmarrësi nuk ka korrigjuar difektet e konstatuara, Investitori i zbret nga garancia deri në konfiskimin e krejt garancisë së punimeve.



Neni 23

Situacionet

23.1. Sipërmarrësi do t'i paraqesë Mbikqyrësit të Punimeve brenda 5 ditëve të para të çdo muaji situacionet mujore progresive për punimet e kryera, duke zbritur pagesat e situacioneve të mëparshme, garancinë e difekteve, paradhënien etj., të kësaj natyre, sikurse përcaktohet në këtë kontratë.

23.2. Mbikqyrësi i Punimeve do të kontrollojë punën e kryer nga Sipërmarrësi dhe do të vërtetojë shumën që duhet t'i paguhet Sipërmarrësit brenda 10 ditëve nga paraqitja e situacionit. Gjatë kontrollit Mbikqyrësi përcakton vlerën e punimeve të kryera.

23.3. Vlera e punës së kryer do të përfshijë vlerën e volumeve të zërave të punimeve të përfunduara dhe të shprehura në preventiv, vlerën e ndryshimeve dhe të rasteve të kompensuara pa prekur fondin rezervë, i cili do të financohet në situacionin përfundimtar në se ka dokumenta që argumentojnë përdorimin e tij.

Neni 24

Pagesat

24.1 Pagesat për çdo situacion punimesh do të kryhen nga Investitori brenda 30 ditëve nga dita e firmosjes së situacionit nga Mbikqyrësi i Punimeve. Pagesat e situacioneve do të kryhen në numrin e llogarisë bankare të shoqerise **ALMO KONSTRUKSION sh.p.k**, ne CREDINS BANK, Nr Llog 26694 IBAN AL3721211315000000000026694

24.2. Pagesa e situacionit do të kryhet sipas financimit të parashikuar në nenin 3 të kësaj kontrate.

Neni 25


Rastet e Kompesuara

25.1. Rastet e kompensuara për të cilat vonesa justifikohet do të konsiderohen si vijojnë:

- Mbikqyrësi i Punimeve urdhëron shtyrjen ose nuk jep skicat (vizatimet) specifikimet ose udhëzimet e nevojshme për kryerjen e punimeve në kohën e caktuar;
- Mbikqyrësi i Punimeve udhëzon Sipërmarrësin për të zbuluar punimet e fshehta ose për të kryer provat pas kryerjes së punimeve;
- Autoritetet Publike ose Investitori shkaktojnë vonesa në lirimin e sheshit të ndërtimit për Sipërmarrësin;
- Investitori vonon, pa arsy, lëshimin e çertifikatës së marries në dorëzim;
- Pezullimi i punimeve per shkaqe te arsyeshme me propozim te supervizorit dhe ne edo rast me miratimin e Investitorit.

25.2. Kompensimi i rasteve të sipërpërmendura do të bëhet si vijon:

Për vonesat e përmendura në pikat 25.1 (a,b,c,d,e) Investitori do të njohë shtyrjen e datës së përfundimit të punimeve mbi atë të parashikuar në këtë kontratë. Dokumentacioni qe verteton vonesat, i konfirmuar nga palet (Mbikqyrësi, Investitori dhe Sipërmarrësi), i bashkengjitet kontrates dhe bëhet automatisht amendament i kesaj kontrate.



Neni 26

Taksat

BA 26.1. Sipërmarrësi është i detyruar të paguajë të gjitha taksat në përputhje me Legjislacionin Shqiptar.

26.2. Për taksat e përcaktuara në legjislacionin që ka hyrë në fuqi 28 ditë para datës së hapjes së tenderit, të cilat Sipërmarrësi duhet t'i ketë marrë parasysh në vlerën e kontratës, Investitorit nuk do t'i njohë asnjë shtesë pagesë.

Neni 27

Dëmshpërbllimi për Vonesat

27.1 Sipërmarrësi do t'i paguajë Investitorit dëmshpërbllimin për vonesa në mbarimin e punimeve sipas tarifes te mesposhtme ditore:

-tarifa ditore do të jetë 4/1000 të vlerës koresponduese të mbetur pa u zbatuar nga emimi total i kontratës por kjo vlerë do të llogaritet minimalisht mbi 25% të vlerës së kontratës.

27.2. Investitorit do të zbresë dëmshpërbllimin për vonesat nga pagesa e fundit e Sipërmarrësit.

Neni 28

Garancia e Difekteve

28.1. Garancia e difekteve do të jetë 5% e vlerës së kontratës që do t'i mbahet nga çdo situacion Sipërmarrësit si garanci për cilësinë e punimeve, shumë e cila do të paguhet mbas perfundimit të periudhës së garancisë së punimeve, duke marrë parasysh edhe sankzionet e parashikuara në pikën 22 të kësaj kontrate.

Neni 29

Kostoja e Riparimeve

29.1. Dëmtimi i punimeve ose humbja e materialeve që do të përdoren për punimet nga dita e fillimit deri në marrjen në dorëzim, si dhe gjatë asafit të garancisë së difekteve do të mbulohet nga Sipërmarrësi me shpenzimet e tij nëqoftëse humbja ose dëmtimi janë shkaktuar nga gabimet e veprimeve të tij.

29.2. Riparimet që dalin të nevojshme gjatë kolaudimit të veprës, nëse janë për shkak të mosplotësimit të kontratës ose të punës jo cilësore të Sipërmarrësit, do të mbulohen nga ky i fundit me shpenzimet e tij.


Neni 30

Marrja në Dorëzim e Punimeve

30.1. Sipërmariesi pas perfundimit te punimeve njofton me shkrim Mbikqyresin e Punimeve dhe Investitorin.Nese Mbikeqyresi nuk ka verejtje ky njostim shenon daten e perfundimit te punimeve.Sipërmariesi pas njofshimit te perfundimit te punimeve i paraqet brenda 30 diteve Mbikqyresit te Punimeve dokumentacionin dhe llogarijet perfundimitare per punimet e kryera. Mbikeqyresi i Punimeve, mbas verifikimeve, brenda 30 diteve se bashku me relacionin e tij ia paraqet te gjithe dokumentacionin Investitorit.

30.2 Mbas marrjes se gjithe dokumentacionit Investitorit i paraqet komisionit te kolaudimit gjithe dokumentacionin e realizimit te objektit. Me perfundimin e procedureve te kolaudimit Investitorit leson certifikaten e marjes ne dorezim te punimeve te kryera dhe do te ciliroje garancine e sigurimit te doktrates. Nga data e akt-kolaudimit te punimeve fillon periudha e garancise se punimeve.

30.3 Ne fund te periudhes se garancise se punimeve, Mbikqyresi i Punimeve dhe komisioni i marrje ne dorezim te objektit do te perpilojne se bashku me Invesitorin aktin e marjes ne dorezim te vepres, objekt i kesaj kontrate.



Neni 31

Zgjidhja e Kontrates

31.1 Investitor i ose Sipermaresi mund te zgjidhin kontraten kur veren shkelje themelore te saj.

31.2 Shkelje themelore te kontrates perfshijne por nuk kufizohen ne sa vijon:

a) Sipermaresi nuk fillon pune brenda 5 diteve nga neneshkrimi i kontrates si edhe ne rastet kur ndalohen punimet me shume se 10 dite, kur nuk parashikohet ne programin e punes dhe ndalimi i punimeve nuk eshte i autorizuar nga Mbikqyrsi i Punimeve dhe nuk respektohet grafiku i punimeve.

b) Mbikeqyresi i Punimeve udhezon pezullimin e punimeve, duke njoftuar Invesitorin dhe Sipermaresin.

c) Sipermaresi falimenton ose fillon likujdimin per arsyte tjetra pervee rindertimit ose bashkimit te shoqerise.

d) Sipermaresi vonon kryerjen e punimeve dhe nuk realizon korrigimet e defekteve te propozuara nga Mbikeqyresi i Punimeve.

Neni 32

Pagesa pas Zgjdhjes se Kontrates

32.1 Ne rast se kontata prishet nga Investitor i per arsyte objektive, Mbikqyresi i Punimeve do te leshoje nje certifikate per vleren e punes se kryer duke zbritur pagesat e marra deri ne daten e leshimit te certifikates.

Neni 33

Ndërprerja për Mosplotësim

33.1 Autoriteti Kontraktor mund te ndërpresë kontratën në tërësi ose pjesërisht nëse:

- a) kontraktori dështon në kryerjen e Punëve brenda periudhës së specifikuar në kontratë ose brenda zgjatjes së dhënë; ose,
- b) kontraktori dështon të zbatojë ndonjë detyrim tjetër të kontratës.

33.2 Autoriteti Kontraktor duhet t'i japi kontraktorit njoftim me shkrim për ndërprijet për mosplotësim dhe t'i japi kontraktorit 15 ditë të ndreqë mosplotësimin me përfjashtim kur ndërprerja është bërë për veprime të korruptuara ose të paligjshme, rast në të cilin ndërprerja do të jetë e menjëherëshe.

33.3 Të gjitha materialet, Ngritja e Kantierit dhe Punët e përfundura do të bëhen pronë e Autoriteti Kontraktor nëse kontrata ndërpitet për mosplotësim te kushteve te saj

Neni 34

Ndërprerja për Shkak të Falimentimit

34.1 Autoriteti Kontraktor mund te ndërpresë kontratën në çdo kohë nëse kontraktori falimenton ose bëhet i paftë të paguajë.

34.2 Autoriteti Kontraktor duhet t'i japi kontraktorit njoftim me shkrim për ndërprerjen.

Neni 35

Ndërprerja për Shkak të Interesit Publik

35.1 Autoriteti Kontraktor mund te ndërpresë kontratën në çdo kohë nëse gjykon se ky veprim duhet ndërmarrë për t'i shërbyer sa më mirë interesit publik.

35.2 Autoriteti Kontraktor duhet t'i japi kontraktorit lajmërim me shkrim për ndërprerjen.

35.3 Autoriteti Kontraktor duhet të paguajë kontraktorin për të gjitha Punët e pranuara dhe të kryera përpjekjeve, dhe duhet t'i paguajë kontraktorit dëmet e shkakuara për kryerjen e pjesës së tij

Punëve. Në llogaritjen e shumës së dëmeve, kontraktori do të kërkohet të ndërmarrë të gjitha veprimet e nevojshme për të minimizuar dëmet.

Nen 36
Nen 36
Pasuria

36.1 Te gjitha punimet e kryera dhe materialet e montuara per realizimin e objektit do te konsiderohen si prone e Investitorit ne rast prishje te kontrates.

Neni 37

Zgjidhja e Mosmareveshjeve

37.1 Investitori dhe Sipermaresi do te zgjidhin me mirekuptim cdo mosmareveshje qe do t'u linde gjate realizimit te kesaj kontrate.

37.2 Ne rast se palet nuk bien dakort atehere per sqarimin e mosmarveshjes me mirkuptim atehere palet do t'i drejtohen Gjykates se Shkalles se Pare te Rrethit Gjyqesor Korce.

Neni 38

Garancia e Kontrates

38.1 Garancia e kontrates do te jetë 10% e vleres se kontrates.

38.2 Shuma e sigurimit te kontrates duhet t'i paguhet Autoriteti Kontraktor si kompensim për çdo humbje të rezultuar nga dështimi i kontraktori në plotësimin e detyrimeve të tij sipas kontratës.

Neni 39

Dispozita te Fundit

Personi perjegjes i cili do te ndjeke zbatimin e kontrates ne perputhje me kriteret dhe kushtet e vendosura ne te eshte Drejtori i Drejtorisë te Menaxhimit te Kontratave.

Kjo kontrate u hartua ne 6 (gjashtë) kopje, nga të cilat një per Dosjen e Prokurimit, një per Drejtorene e Menaxhimit te Kontratave një per Drejtorene e Planifikimit dhe Kontrollit te Zhvillimit te Teritorit, një per Drejtorene e Finances një per veprimet me Thesarin dhe tjetera per Furnizuesin.

SIPERMARRESI

Bashkimi i shoqerive "ALMO KONSTRUKSION" sh.p.k
dhe "ULEZA NDERTIMI" sh.p.k

perfaqesuar nga :

Administrator i shoqerise "ALMO KONSTRUKSION" sh.p.k

Alfonc Bitri
ALFONS BITRI

Administrator i shoqerise "ULEZA NDERTIMI" sh.p.k

Nikolin Shpani
NIKOLIN SHPANI

INVESTITORI

BASHKIA KORCE

perfaqesuar nga

